

1 mart, 2014.

**Imajući u vidu Presude Internacionalnih i nacionalnih sudova, američki i kanadski Bošnjaci, odlučni da se bore protiv diskriminacije po bilo kojoj osnovi, za vladavinu prava i pravdu za žrtve agresije i genocida, poštivajući Konvenciju o sprečavanju i kažnjavanju zločina genocida, Evropsku konvenciju za zaštitu osnovnih ljudskih prava i sloboda, Evropsku Povelju o lokalnoj samoupravi, Povelju Ujedinjenih Nacija, odlučni da putem ove Rezolucije upotrebe sva demokratska sredstva u cilju implementiranja pravosnažne presude Internacionalnog krivičnog suda za bivšu Jugoslaviju i pravosnažne presude Internacionalnog suda pravde usvajaju:**

## **REZOLUCIJU**

**o udruživanje svih raspoloživih sredstava, duhovnih i materjalnih kapaciteta i jedinstvenom djelovanju sjevernoameričkih Bošnjaka za očuvanje i jačanje nezavisnosti, teritorijalnog integriteta, suvereniteta i jedinstva države Bosne i Hercegovine**

### **I**

Internationalni sud pravde je utvrdio da su genocid počinili Vojska i Policija „Republike Srpske” i da je Srbija imala obavezu da spriječi genocid, što nije učinila, već je svoje činjenje usmjerila na pomaganje i podršku bosanskih Srba za preduzimanje ofanzivnih operacija na planu obezbjeđenja materijalno-tehničkih i logističkih sredstava, isplaćivanje plaća oficirima iz Beograda i na druge načine. Presuda Internacionalnog suda pravde je nadređena svim ustavnim aranžmanima koji se danas nude žrtvama agresije i genocida uključujući i Dejtonski ustav.

### **II**

Pozivajući se na pravosnažnu presudu Internacionalnog suda pravde, sjevernoamerički Bošnjaci smatraju Dejtonski ustav i institucije kreirane Dejtonskim ustavom ilegalnim, štetnim za državu, društvo, narode i građane u Bosni i Hercegovini. Priznavanje rezultata prisilnog protjerivanja, etničkog čišćenja, zločina genocida i drugih krivičnih djela protiv čovječnosti i vrijednosti zaštićenih međunarodnim pravom je u suprotnosti sa međunarodnim pravom, a na štetu države Bosne i Hercegovine i njenih naroda i građana, posebno žrtava koje su bile objekat napada.

### **III**

Internationalna zajednica je prihvatila volju građana Bosne i Hercegovine izraženu referendumom od 1. marta 1992. godine priznanjem Republike Bosne i Hercegovine kao suverene države. Embargo na uvoz oružja legalnim vojnim

snagama države Bosne i Hercegovine omogućio je da snage bosanskih Srba neometano izvrše prisilno protjerivanje stanovništva kao i činjenje međunarodnih zločina protiv čovječnosti i međunarodnog prava isključivo zbog njihove pripadnosti određenoj (zaštićenoj) ljudskoj grupi. Konačan rezultat takvog destruktivnog djelovanja su agresija i genocid u Bosni i Hercegovini koji se završavaju genocidom u Srebrenici, u julu 1995 godine, u srcu Evrope, nad Bošnjacima upravo zbog njihove pripadnosti navedenoj zaštićenoj ljudskoj grupi, kojom prilikom je smrtno stradalo više od 8000 lica.

#### **IV**

Nakon agresije i genocida, ustav Republike Bosne i Hercegovine je nelegalno, putem agresije i genocida suspendovan i ilegalno zamjenjen Dejtoskim ustavom. Sjevernoamerički Bošnjaci udružuju kompletan svoj duhovni i materjalni potencijal i prelaze u jedinstveno djelovanje da uvjere američke i kanadske političke faktore u štetnost Dejtonskog ustava po državu Bosnu i Hercegovinu. Cilj agresije i genocida protiv građana Republike Bosne i Hercegovine je bio stvaranje etnički čiste Velike Srbije i etnički čiste Velika Hrvatske na račun teritorije Republike Bosne i Hercegovine. Istina i pravda za žrtve agresije i genocida će biti tek ostvareni nakon što će izvšiocima agresije i genocida biti oduzeto ono što su ostvarili kao svoj cilj. Apsurdno je da su nagrađene retrogradne i uništavačke snage koje su organizovano, sistematski, planski izvršavali zločine na putu ka ostvarenju svojih političkih i ideoloških ciljeva i interesa a na štetu države Bosne i Hercegovine kao međunarodno priznate, suverene, jedinstvene i nedjeljive države.

#### **V**

Dejtonskim ustavom, vlast nad žrtvama agresije i genocida u Bosni i Hercegovini je nezakonito stavljena u ruke onih koji su izvršili agresiju i genocid i onih koji su kolaborirali sa izvšiocima agresije i genocida. Zato sjevernoamerički Bošnjaci ne prihvataju sadašnju situaciju jer bi to podrazumijevalo da same žrtve agresije i genocida legalizuju agresiju i genocid.

#### **VI**

Ovom Rezolucijom sjevernoamerički Bošnjaci izražavaju jedinstven stav da su oba entiteta "Federacija Bosne i Hercegovine" i "Republika Srpska" nelegalna i nelegitimna, jer su rezultat agresije, genocida i ilegalnog, nelegitimnog Dejtonskog ustava. Sa ovom Rezolucijom sjevernoamerički Bošnjaci se obavezuju na jedinstvenu borbu svim legalnim, demokratskim sredstvima za uspostavu jedinstvene države Bosne i Hercegovine, koja neće biti bazirana na Dejtonskom ustavu.

#### **VII**

Sjevernoamerički Bošnjaci pozivaju istinske patriote u i van Bosne i Hercegovine da se odmah oslobode svojih ugnjetača i počnu kontrolisati svoju sudbinu, prepoznavanjem i diferencijacijom od prodanih čuvara Dejtonskog ustava.

#### **VIII**

Zahtjevi, peticije i deklarativna izjašnjenja sjevernoameričkih Bošnjaka i njihovih organizacija i foruma nisu više dovoljna. Da se zainteresira i mobiliše ameirčko i kanadsko javno mnijenje, potrebno je da se ujedini

sjevernoamerička dijaspora, koja će zajedno sa svojim prijateljima Amerikancima i Kanađanima, te putem klubova prijatelja Bosne i Hercegovine u Američkom kongresu i Senatu, te Kanadskom parlamentu reći jasno da Bosna i Hercegovina više ne može funkcionisati kao država na osnovama Dejtonskog ustava.

### **IX**

Aktivnosti sjevernoameričke bošnjački dijaspore će takođe biti Referendum za ukidanje Dejtonskog ustava. Glasovi više od million na silu protjeranih građana Bosne i Hercegovine u dijaspori bi moglo obezbjediti odlučno referendumsko da.

### **X**

Sjevernoamerička bošnjačka dijaspora će mobilisati patriotsku inteligenciju u i van Bosne i Hercegovine za akademsko tumačenje svijetu potrebitosti promjena Dejtonskog ustava.

### **XI**

Putem svojih predstanika u matici, sjevernoamerička dijaspora će nastojati usmjeravati opravdani socijalni bunt građana Bosne i Hercegovine na promjenu Dejtonskog ustava. Kriza u Bosni i Hercegovina je socijalna, ali i politička. Da su sa sredstvima međunarode zajednice obnovljene fabrike umjesto što se plaćala Dejtonska administracija danas ne bi bilo 550.000 nezaposlenih, niti bi kriminalci došli u poziciju da mogu u bescijenje kupovati kapitalna dobra koja su desetine generacija podizala i unapređivala kao vlastita domaćinstva. Svjesno i namjerno su uništavana državna materijalna dobra kako bi po povoljnim uvjetima bila privatizirana od strane takozvanih podobnih pojedinaca ili grupa.

### **XII**

Sjevernoamerička dijaspora poziva građane Bosne i Hercegovine, posebno one u dijaspori koji su porijekolom iz entiteta Republika Srpska da se masovno odazovu na registraciju i glasanje na Općim izborima 2014. godine. Osnovna odrednica podrške političkim opcijama na izborima će biti borba protiv negiranja agresije i genocida i borba protiv ilegalnog, nepravednog, anticivilizacijskog, nehumanog dejtonskog ustrojstva države.